

KATEKISMU MUNONO

Uwalembalwe na

DOCTOR MARTIN LUTHER

Lutheran Church of Central Africa

BEMBA

KATIKISMU WA KWA MARTIN LUTHER

Amafundisho ya Cilongano ca Lutheran

Amafunde Ikumi.....	5
Icisumino ca Batumwa.....	10
Ipepo Iya kwa Shikulu.....	13
Insakramenta ya Lubatisho.....	19
Ubufumu bwa Mfungulo: Ukusumina pa Membu.....	22
Insakramenta ya Mulalilo wa kwa Shikulu.....	15
Amapepo ya Bushiku Bonse.....	17
Imilimo ya Bena Kristu.....	29
Amepusho ya pa Mulalilo.....	33

Lutheran Church of Central Africa

AMAFUNDE IKUMI

Ifyo umwine wa rjanda afwile ukufunda bamurjanda yakwe

"NINE YEHOBA LESA OBE"

1. Ifunda Iya kubalilapo

WILABA NA MILUNGU IMBI PA CINSO CANDI.

Bushe ici cilepilibula shani?

Tufwile ukucindika, no kutemwa, no kutetekela muli Lesa ukucila ifintu fyonse.

2. Ifunda Iyalenga fibili

WILALUMBULA APA FYE ISHINA LYA KWA YEHOBA LESA OBE.

Bushe ici cilepilibula shani?

Tufwile ukucindika, no kutemwa Lesa, pakuti twilatipa, ukulapa, mufyakusumino lubuko nangu ubuloshi, nangu ukubepa mwi shina Iyakwe. Lelo tufwile ukwita pe shina Iya kwa Lesa pa nshita ya macushi, no kumupepa, no kumutasha.

3. Ifunde Iyalenga fitatu

**IBUKISHO BUSHIKU BWE SABATA NO KUBUSUNGA
UBWA MUSHILO.**

Bushe ici cilepilibula shani ?

Tufwile ukucindika, no kutemwa Lesa, pakuti twilasalulo kufunda ne shwi lyakwe. Lelo tufwile ukulyumfwiha ne nsansa no kulisambilita.

4. Ifunda Iyalenga fine

**ULECINDIKA WISO NA NOKO, PAKUTI WENDE MU
MUTENDE, KABILI INSHIKU SHOBE SHIFULE PANO
ISONDE.**

Bushe ici cilepilibula shani ?

Tufwile ukucindika, no kutemwa Lesa, pakuti twilasula bafyashi besu na bakalamba, nangu ukubalengo kufulwa. Lelo tufwile ukubacindika no kubomfwiha no kubatumika no kubatemwa mu mucinshi.

5. Ifunde Iyalenga fisano

WILAIPAYA.

Bushe ici cilepilibula shani ?

Tufwile ukucindika, no kutemwa Lesa, pakuti twilalufya-nyo munyina nangu ukumucena mu mubili wakwe. Lelo tufwile ukube cibusa kuli wene, no kumwafwa mu bwafwiliho bonse.

6. Ifunde Iyalenga mutanda

WILACITA BUCENDE.

Bushe ici cilepilibula shani?

Tufwile ukucindika, no kutemwa Lesa, pakuti tube ne mikalile ya lungama mwi shiwi na mu micitile. Kabili umw-aume no mukashi wakwe, e bafwile ukutemwana no kucindikana.

7. Ifunde Iyalenga cinelubali

WILAIBA.

Bushe ici cilepilibula shani?

Tufwile ukucindika, no kutemwa Lesa, pakuti twilabula ndalama sha kwa munyina nangu ifipe fyakwe, nangu uku-fipoka mu bufi na mu micitile imbi. Lelo tufwile ukwafwo kuti asunge fipe fyakwe no mulimo wakwe.

8. Ifunde Iyalenga cinekonsekonse

WILASHININA MUBIYO NO BUNTE BWA BUFI.

Bushe ici cilepilibula shani?

Tufwile ukucindika, no kutemwa Lesa, pakuti twilabiko munyina mu mulandu no kumubepesha, nangu ukonaulo bu-
suma bwe shina lyakwe. Lelo tufwile ukumupokolola, no kulanda fisuma kuli wene, no kutontontonya fisuma ku mibele yakwe yonse.

9. Ifunde Iyalenga pabula

WILAKUMBWA N'GANDA YA MUBIYO.

Bushe ici cilepilibula shani?

Tufwile ukucindika, no kutemwa Lesa, pakuti twilafwayo kubula njanda ya kwa munyina nangu ifipe fyakwe mu nshili shicenjeshi, nelyo ukufikwata mu nshila shimbi ishishalungama. Lelo tufwile ukwafwo munyina ukuti asunge fipe fyakwe.

10. Ifunde Iyalenga kumi

WILAKUMBWA MUKA MUBIYO, NANGU MUBOMFI WAKWE
MWAUME NANGU MWANAKASHI, NANGU NI N'GOMBE
YAKWE, NANGU CONSE ICA MUBIYO.

Bushe ici cilepilibula shani?

Tufwile ukucindika, no kutemwa Lesa, pakuti twilafyusha no kongolo muka mubiyo, nelyo babomfi bakwe, nelyo njombe. Lelo tufwile ukubakoselesha mu bwikashi bwabo ukuti bacite milimo yabo.

UKUPWILILIKA KWA MAFUNDE


Cinshi ico Lesa alanda pa mafunde yakwe yonse?

ASOSA ATI: "INE YEHOBABA LESA OBE NDI LESA WA KALUMWA, UUKANDA MAMPULU YA BASHIBO PA BANA, PA BAKULO YALENGA SHITATU NA PA BANKULO YALENGA SHINE ISHA BAMPATA. KABILI UUBELELO LUSE ABA MAKANA BANTEMWA NO KUBAKA MAFUNDE YANDI "

Bushe ici cilepilibula shani?

Lesalekanda abo bantu abapula mu mafunde yakwe. Eico tufwile ukutino bukali bwa kwa Lesa, pakuti twilaonaula mafunde yakwe.

Lelo Lesa alaye cikuku no busuma bonse kuli abo ababaka aya mafunde. Eico tufwile ukumutemwa no kutetekela muli wene, no kufwayo kubaka mafunde yakwe.



ICISUMINO CA BATUMWA

Ifyo umwine wa rjanda afwile ukufunda bamurjanda yakwe

I

ICILIME CAKUBALILAPO

(Ukubumbwa kwa fintu)

NASUMINA MULI LESA TATA UMWINE WA MAKI YONSE
UWABUMBILE UMULU NA PANO ISONDE.

Bushe ici cilepilibula shani?

Nasumino kuti Lesa amumbile ine, ne fintu fyonse. Lesa ampele umubuli no mupashi wandi, ne fipande fya mubuli wandi, ukutontonkanya, amano, na maka yandi yonse.

Kabili nasumino kuti Lesa asunge nshiku shonse. Ampele cakulya, icakufwala, irjanda, ulupwa lwandi, amabala ne fitekwa, ne fifwaikwa fyonse ku mubili wandi no mweo wandi.

Wena angafwa mu macushi yandi, no kuncingilila ku fibi ifili fyonse.

Ifi fyonse Lesa Shifwe aficita pa mulandu wa busuma bwa-kwe no luse lwakwe. Nangu mbe umuntu ushiwaminwa.

Pa mulandu wa ifi fintu fyonse, mfwile ukutotela no kucindika, no kumfwila Lesa nshita shonse.

Ici cishinka icine cine.

ICILIME CALENGA FIBILI

(Ukulubulwa)

NASUMINA MULI YESU KRISTU, UMWANA WAKWE EKA, SHIKULWIFWE, UWALENGELWE NO MUPASHI WA MUSHILO, AFYELWE KULI MARIA UMUSHIMBE, ACULILE KULI PONTIO PILATO, ATANIKWE, AFWILE, ASHIKILWE. AIKILE KU MBO, MU BUSHIKU BWALENGA SHITATU ABUKILE KU BAFWA, ANININE MU MULU, AIKALA KU KUBOKO KWA KULYO UKWA KWA LESA TATA UMWINE WA MAKAYONSE. EKO AKAFUMA PA KWISA PUTULE MILANDU YA BOMI NA BAFWA.

Busha ici cilepilibula shani?

Nasumino kuti Yesu Kristu ni mfumu yandi. Wena ni Lesa wine wine, umwana wa kwa Tata wa pe na pe, kabili muntu wine wine, uwafyelwe kuli Maria umushimbe.

Yesu alinshita ine ne muntu waluba, ukumpususha ku lubembu, ku mfwa na ku maka ya kwa Satana, tekutila alipile ndalama iyo, lelo ni pa kusumya fye umulopa wakwe, no kusauka kwakwe no kufwa kwakwe apabula umulandu.

Fyonse ifi Yesu aficitile pakuti imbe wakwe mu cituntulu, no kwikala nakwe kulungama mu bufumu bwakwe, no kubutumika mu kulungama na mu cimwemwe ca muyayaya.

Nasumina ifi fyonse pantu Yesu abukile ku bafwa, ali no mweo, kabili ali ni kateka pa nshita ya muyayaya.

Ici cishinka icine cine.

ICILIME CALENGA BUTATU

(Ifyamushilo)

NASUMINA MULI MUPASHI WA MUSHILO; ULUKUTA LWA MUSHILO ULWA BENA KRISTU, UKWIKATANA PAMO KWA BASUMINA; UKULEKELEL WA KWA MPU-LUMUSHI; UKUBUKA KWA MUBILI, NO BUMI BWAPE. AMEN.

Bushe ici cilepilibula shani?

Nasumino kuti ine, mu mano yandi na maka yandi, tekuti nsumine muli Yesu Kristu, imfumu yandi, nangu ukwisa kuli wena.

Lelo Mupashi wa Mushilo anjitile ukupitila mu mbila Nsuma, ampele mano mu mapalo yakwe, ancitile uwa mushilo, no kunsunga mu cisumino cine cine.

Mu nshila iyi yine, emo etila, ukuleta, ukupela mano, no kucita uwa mushilo ulukuta lutuntulu lwa bena Kristu pano isonde, no kulusunga mu kwikatana pamo na Yesu Kristu mu cisumino cimo ica cine cine.

Umo ulukuta lwa bena Kristu wena ubushiku no bushiku alekelela membu shonse kuli ine na basumina bonse.

Kabili pa bushiku bwa kuleketesha, akambusha ine na bonse abafwa. Kabili akampela ine na bonse abasumina muli Kristu umweo wa muyayaya.

Ici cishinka icine cine.



IPEPO LYA KWA SHIKULU

Ifyo umwine wa njanda afwile ukufunda bamurjanda yakwe

Amashiwi ya kwamba

MWE SHIFWE MWABA MU MULU.

Bushe ici cilepilibula shani?

Pali aya mashiwi, Lesa aletwita ifwe ukuti tusumine kuti wena e Shifwe wine wine, no kuti ifwe tube bana bakwe bene bene. Eico tufwile ukumulomba apabula umwenso, lelo ne cisumino ca kosa ngefyo abana balomba shibo uitemwikwa.

1. Ukulomba kwa kubalilapo

ISHINA LYENU LICINDIKWE.

Bushe ici cilepilibula shani?

Ukulanda mu cine, ishina lya kwa Lesa lya mushilo mu line lyeka. Lelo muli uku kulomba tulepepo kuti ifwe tusunge shina lyakwe pakuti libe ilya mushilo na kuli ifwe.

Nga ici cicitika shani?

Ishina lya kwa Lesa licindikwa ilyo amashiwi yakwe ya-fundishiwa mu cishinka ca liko, kabili ilyo ifwe pamo nga bana bakwe tutungulule mikalile ya lungama mu kulingana na mashiwi yakwe. Mutwafwe mu kucita ici, mwe Shifwe wa mu mulu.

Lelo onse uufunda mu bufi nangu ukubike fikansa ne shiwi lya kwa Lesa, uyo muntu e uuleta nsoni pe shina lya kwa Lesa pakati kaifwe. Mwileko kuti tucite ifi, mwe Shifwe wa mu mulu.

2. Ukulomba kwa bubili

UBUFUMU BWENU BWISE.

Bushe ici cilepilibula shani?

Ukulanda mu cine, ubufumu bwa kwa Lesa bwisa mu bwine bweka, apabula ipepo lyesu. Lelo muli uku kulomba tu-
lepepo kuti ubufumu bwakwe bwise kuli ifwe pamo.

Nga ici cicitika shani?

Ubufumu bwa kwa Lesa bwisa kuli ifwe ilyo Shifwe wa mu mulu atupelo Mupashi wakwe uwa Mushilo, pakuti mu cikuku cakwe tusumine mashiwi yakwe, no kwikala ukulingana no bufwayo bwa kwa Lesa kuno pano isonde na mu mulu.